

Minister Otmar Oduber

Cu e Monumento di Piscadornan Perdi riba Lama ta duna atencion na e comunidad aki

ORANJESTAD (AAN): Minister Otmar Oduber a duna un discurso sumamente conmovedor durante e desvelo di e Monumento di Piscadornan Perdi riba Lama cu a tuma lugar diamars atardi dilanti ex cas di Gobernador. Un joya di monumento cu por worde aprecia for di leu caba.

Mirando e cantidad di hende cu a bin hunto pa honra piscadornan perdi riba lama a sigur sa di yena publico completo y Minister Oduber cu un emeocion inmenso.

Minister Oduber ta splica den su discurso cu como un persona parcticamente hoben el a siña conoce mundo di piscador den e ultimo 4 añanan aki, unda a conversa cu varios personanan cu a sa di comparti nan ideanan.

A conversa tambe cu varios di e famianan cu a perde sernan keri riba lama y e experiencia cu cada un di nan a biba, momentonan di angustia, momentonan cu ora nan recorda nan sernan keri nan ta corda esaki cu un sonrisa riba nan cara, pasobra nan ta conforme cu nan ser keri a bay laga nan hacienda loke nan tabata gusta haci mas, haciendo un di trabaonan mas bieu riba nos isla, esta e ofishi di pesca.


Despues di a conversa cu e faminan, Minister Oduber a acerca Prome Minister Mike Eman, coleganan Minister Sevinger y Minister de Meza pa asina aki duna atencion na e comunidad di piscador cu pa hopi a worde lubida, honrando asina piscadornan perdi riba lama.

E monumento aki no por a haya un mihor lugar den nos comunidad. Governor's Bay ta di tur banda e lugar ideal pa por a pone e monumento, mirando e paisahe di lama y botonan di piscador cu ta rodona e monumento, Minister Oduber a indica.

Te cu awor a logra pone 42 nomber di e personan cu a perde riba lama, manera e mandatario a indica, hasta durante e ultimo dianan mientras e monumento tabata worde arma, a haya mas y mas famianan a bin dialnti pa duna nomber di nan sernan keri.

Durante e ceremonia Minister Oduber cu un stem yena cu emocion a menciona fam di tur e piscadornan cu a perde riba lama. Nombenan cu ta marca riba e monumento y cu ta skirbi den e direccion unda cu nan a worde mira ultimo.

Un detaye hopi bunita cu Minister Otmar Oduber no



por alaga afor ta cu e monumento aki a worde traha pa dos artista yiu di tera, cu for di e dia cu nan a presenta e concepto pa e obra aki, a sa di gana e confianza di e mandatario.

Manera Minister Oduber a splica anteriormente, e monumento aki lo no por a worde haci posibel si no ta danki na e Tourism Product Enhancement Fund (TPEF) cu a pone fondonan disponibel pa esaki. Tambe e mandatario a gradici Centro di Pesca Hadicurari y Santa Rosa cu di biaha a sa di duna e sosten necesario pa haci e monumento aki posibel.

Famianan a haya un recuerdo unico di e monument aki, pa hiba cas, pa asina tin nan sernan keri mas cerca ainda.

Finalizando, e mandatario a indica cu como Gobierno y esun ta carga e responsabli-

e diferente rancho y piernan. E motibo principal pakico e mandatario a percura pa haci entrega di paketenan di se-

guridad ta pa famianan por ta trakilo cu nan sernan keri ta sigur y cu nan lo yega nan cas back.

dad ministerial di e industria di pesca riba nos isla, mester percura pa no bin mas nomber acerca. Despues di e desvelo a haci entrega di e promer 125 pakete y manualnan di seguridad na piscadornan di